

17.4.08.  
- 503/08

Na osnovu člana 132. stav 1. alineja 2., a u vezi sa članom 24 stav 3. Zakona o policijskim službenicima HNK ("Službene novine HNK" br. 9/07), ministar unutrašnjih poslova HNK, d o n o s i

## **P R A V I L N I K**

### **o naknadi štete**

#### **Član 1.** **(Predmet)**

Ovim Pravilnikom reguliše se način i postupak utvrđivanja i naknade materijalne štete nastale korištenjem tuđeg vozila ili komunikacijskog sredstva, od strane policijskih službenika Uprave policije Ministarstva unutrašnjih poslova HNK, radi potjere ili hapšenja počinioca krivičnog djela, kao i radi prevoženja žrtve krivičnog djela, prirodne nepogode ili nesreće do najbliže zdravstvene ustanove.

#### **Član 2.** **(Potvrda)**

(1) Policijski službenik koji koristi tuđe vozilo ili komunikacijsko sredstvo dužan je vlasniku ili korisniku vozila ili komunikacijskog sredstva izdati potvrdu o privremenom izuzimanju.

(2) Nadležna policijska uprava po mjestu izuzimanja vozila ili komunikacijskog sredstva dužna je vlasniku ili korisniku vozila ili komunikacijskog sredstva, izdati potvrdu o preuzimanju vozila ili komunikacijskog sredstva.

#### **Član 3.** **(Prijava štete)**

(1) Nastanak štete dužan je prijaviti policijski službenik koji je koristio tuđe vozilo ili komunikacijsko sredstvo odmah po nastanku štete, a svaki drugi policijski službenik odmah po saznanju.

(2) Nastanak štete se prijavljuje neposrednom rukovodiocu koji u roku od 24 sata o tome izvještava komesara policije i ministra.

(3) Vlasnik ili korisnik vozila ili komunikacijskog sredstva o nastanku štete obavještava Ministarstvo nakon preuzimanja korištenih sredstava, a najkasnije 24 sata od preuzimanja.

#### **Član 4.** **(Komisija)**

(1) Postojanje štete, njenu visinu i okolnosti pod kojima je šteta nastala utvrđuje komisija koju rješenjem imenuje ministar za svaki slučaj prijave o nastanku štete iz člana 3. Pravilnika.

(2) Komisija se sastoji od 3 člana, od kojih je jedan iz Sektora za podršku, jedan iz organizacione jedinice iz koje je policijski službenik koji je prouzrokovao štetu, a imenuje se na prijedlog komesara policije i jedan iz Sektora za administraciju.

(3) Ako je potrebna posebna specijalnost u vezi utvrđivanja visine štete i okolnosti pod kojima je šteta nastala Komisija može zatražiti angažovanje stručne osobe.

(4) Komisija se imenuje odmah po saznanju za nastanak štete, i o postojanju štete, njenoj visini i okolnostima pod kojima je šteta nastala sastavlja zapisnik.

(5) U postupku utvrđivanja okolnosti nastanka štete Komisija obavezno mora saslušati policijskog službenika, koji će se izjasniti pismeno na zapisnik Komisije iz stava 4. ovog člana.

### Član 5. (Način naknade štete)

(1) Na osnovu zapisnika komisije iz člana 4. stav 4. ovog Pravilnika, ministar donosi rješenje o naknadi štete kojim se utvrđuje visina štete, rok i način isplate štete.

(2) Protiv rješenja o naknadi štete vlasnik ili korisnik vozila ili komunikacijskog sredstva može izjaviti žalbu Vladi HNK-a – Žalbenom vijeću.

### Član 6. (Stupanje na snagu)

Ovaj Pravilnik stupa na snagu danom donošenja.

Broj: 02-01-07-390/pz  
Mostar, 16-07-2008 g.

